

湖北金石志

金石志七

唐

毗沙門天王祠堂記

佚

毗沙門王祠堂碑崔耿撰并書開成丁巳十月庚寅記事

在郢州

寶刻類編

唐毗沙門天王祠堂記開成丁巳郢州刺史崔耿撰

輿地碑記

姜夫人墓銘

佚據古刻

叢鈔錄入

新平公主女姜夫人墓

此志蓋

故天水姜夫人誌銘

大唐故駙馬都尉天水姜慶初女嬭故殿中侍御史劉元質
享年七十三於開成三年十月一日歿於鄂州私第以其年
十二月廿一日權厝黃鶴山南原禮也懼陵谷之多變故爲
斯銘用紀悠久之意

姜夫人墓銘開成三年在鄂州

輿地碑
記目

太子賓客趙夫人夏侯氏墓誌

存正書
在襄陽

唐故太子賓客趙夫人夏侯氏墓誌

蓋篆
書

唐山南東道節度愬管充涇原防秋馬步都虞候正議大夫
檢校太子賓客上柱國趙公亡夫人譙郡夏侯氏墓誌銘并

鄉貢進士唐正舜撰

夫人之先譚郡人後移貫深州樂壽縣昔武王克商封夏禹之後於杞列爵爲侯伯厥後因爲夏侯代漢有滕公譚嬰佐高祖定天下子孫益熾冠冕彌盛國史家傳榮然可觀曾祖諱載滄州長史祖諱瓘試太子詹事滄景節度都押衙孝諱夢試太常卿充冀州南宮鎮遏兵馬使皆先材茂器移孝爲忠夫人紹餘慶於千年傳遺芳於三代脩謙柔之行稟純淑之姿舉不違仁動皆合禮旣笄年之歲歸于趙氏克叶關雎之口允諧鳴鳳之求趙公以文武全才述職戎府公家之事不遑厯監夫人內睦姻親外承賓客輔佐君子清風穆然斯不謂之賢哲之行歟期天降鑒介以眉壽魚軒象服夫貴妻

榮爲龍爲光焜耀閨壺何啻年始知命奄歸下泉積善無徵
吁可痛也以開成五年六月廿六日遘疾終於襄陽縣明義
里之私第享年五十趙公愬戎涇上式遇西蕃王事靡盬瓜
時未至夫人瞑目之際不及撫床之哀窳窳之辰莫展臨棺
之慟人之知者孰不爲之傷歎焉以其年十一月癸酉朔廿
四日甲申龜兆叶吉葬于襄州鄧城縣支湖村之東塋禮也
長子宗立當軍節度散將次曰宗本鄉貢明經次曰宗元次
曰宗式咸稟慈訓且服教義宗立宗元侍從防邊宗本宗式
躬護喪事必誠必信禮無悔焉爰以夫人德行來請銘誌琢
于貞石庶千載之後微猷不忘恭副孝思乃爲銘曰

猗歟夫人

植操無隣

孝由天性

義冠人倫

德行聿脩

微猷日新

如何不弔

奄謝芳塵

展矣良夫

護塞從軍

窀穸有期

歸路無因

樊城之陰

漢水之濱

卜得鮮原

崛得孤墳

秋草萋萋

逝波汙汙

德存于石

磨而不磷

按趙公夫人夏侯氏墓誌銘唐正辭撰題列趙公官職而不著其名開成五年回鶻款塞防秋正警趙公愍戎涇上式過西蕃卽是時也舊唐書地理志深州樂壽漢樂城縣後魏改爲樂壽隋屬河間郡永泰中屬深州又襄州治襄陽鄧城漢鄧縣屬南陽郡古樊城也宋故安養縣天寶元年改臨漢貞元二十一年改鄧城代宗三年改元永泰貞元廿一爲德宗末年夫人當文宗開成五年年五十則生於貞元六年時樂壽已屬深州而終於臨漢改鄧城之後

碑誌與史悉合

金石錄

右主桂國趙公夫人夏僕氏墓誌銘在襄陽縣誌稱夫人之先譙郡人後移以深州樂壽縣曾祖諱載滄州長史祖諱曜試太子詹事治景節度都押衙考諱芳試太卿充冀州南宮鎮遏兵馬使新唐書百官志上鎮中鎮下鎮各有將一人鎮副二人每鎮又有使一人副使一人此稱鎮遏兵馬使其卽鎮使歟夫人以開成五年六月廿六日遘疾終於襄陽縣明義里之私第襄陽爲襄州望縣志前結銜稱唐山南東道節度總管襄州卽山南東道節度治所也

龍蓋寺碑

佚

龍蓋寺碑唐徐元弼撰王辭書碑以開成五年立在復州

集古
錄目

徐士弼撰王辭書開成五年在復州

寶刻
類編

文宣王廟庭松記

佚

庭松記鄭處晦書開成中立在襄州

寶刻
類編

王粲石井欄別記

佚

唐王粲石井欄別記唐會昌二年節度使盧鈞復理粲舊

井別作新石欄而記之前武功縣尉李掖書

集古
錄目

盧鈞撰正書會昌二年四月

金石錄

石井欄別記前武功縣尉李液書會昌二年在襄州

寶刻類編

創修五道將軍記

佚

唐創修五道將軍記朱泳撰無書人名氏會昌三年七月

復齋碑錄

修興國寺舍利塔銘

佚

唐修興國寺舍利塔銘魏子仲述會昌四年二月建

復齋碑錄

漢江神廟記

佚

唐漢江神廟記孟珪記正書無姓名會昌六年八月立

復齋

碑

故鄂

下缺

墓銘

佚

唐故鄂

下缺

墓銘會昌六年近時掘得之今在五軍統制

衙

實地記

三聖蘭若鏡鏡記

佚

唐三聖蘭若鏡鏡記楊知遠撰屈師穆八分書并古文篆

額大中五年七月建在襄陽府

後唐
佛錄

金剛經碑

佚

金剛經碑楊同書大中五年季夏在隨州

寶刻
類編

金剛經碑亦在普安寺中

廣志碑記

蜀丞相武鄉忠武侯諸葛公碑

氏

唐立蜀相武鄉忠武侯諸葛公碑唐李景讓撰正書無名

氏篆額大中十年三月建

唐書地理志

大中二年李景遜撰今在隆中

金石錄

李景讓字後已并州文水人大中中厯進御史大夫出拜

西川節度使諡曰孝

唐書本傳

蘭溪亭記

氏

蘭溪亭記裴敬撰陳蕃書大中十三年二月建在蘄州

寶刻

編題

孟亭記碑

佚擗皮子
文錄人

明皇世章句之風大得建安體論者推李翰林杜工部爲之
尤介其間能不愧者惟吾鄉之孟先生也先生之作遇思入
詠不夠奇抉異齷齪束人口者汨汨然有干霄之興若公輸
氏當巧而不巧者也北齊美蕭愨有芙蓉露下落楊柳月中
疎先生則有微雲淡河漢疎雨滴梧桐樂府美王融有日霽
沙嶼明風動甘泉濁先生則有氣蒸雲夢澤波撼岳陽城謝
朓之詩句精者有露溼寒塘草月映清淮流先生則有荷風
送香氣竹露滴清響此與古人爭勝於毫釐也稱是者眾不
可勝數嗚呼先生之道他復何言耶謂乎貧則天爵於身謂
乎死則不朽於文爲士之道亦已至矣先生襄陽人也日休

襄陽人也既慕其文亦視其貌蓋仲尼思文王則嗜昌歜七
十子思仲尼則師有若吾於先生見之矣說者曰王右丞筆
先生貌於郢之亭每有往觀之志四年榮陽鄭公誠刺是州
余將抵江南賦舟而詣之果以文見責則先生之貌縱視矣
先亭之名取先生之諱公曰焉有賢者之名趨廝走養朝夕
言於刺史郭命易之以先生姓曰休時在宴因曰春秋書紀
季公子友仲孫湫字者貴之也故書名曰貶書字曰貴況以
賢者名署於亭乎君子以是知公樂善之深也百祀之弊一
朝而去則民之弊也去之可知矣見善不書非聖人之志宴
豆既徹立而爲文咸通四年四月三日記

孟亭記唐咸通四年戊日休撰云先生襄陽人也說者曰
王右丞筆先生貌于郢之亭先是亭之名取先生之名後

易之以先生之姓云 江陵寄居李耆壽嘉定庚午于郢
州白雲觀之倉側得斷石一塊上有六十五字乃唐率更
體文理斷續不可讀其間有孟先生三字終于波動岳陽
城五字則知其爲孟亭記今石尙存

輿地碑
記目

劉棻強碑

佚據文苑
英華錄入

歌詩之風蕩來久也大抵喪於南朝壞於陳叔寶然今之業
是者苟不能求古於建安卽江左矣苟不能求麗于江左卽
南朝矣或過爲豔傷麗病者卽南朝之罪人也吾唐來有是
業者言出天地外思出鬼神表讀之則神馳八極測之則心
懷四溟磊磊落落眞非世間語也自李太白百歲有是業者
雕金篆玉牢奇籠怪百鍛爲字千鍊成句雖不能追躅太白

亦後來之佳作也其與李賀同時有劉棻強焉先生姓劉氏
名言史不詳其鄉里所有歌詩千首其美麗恢曠自賀外世
莫得比王武俊之節制鎮冀也先生造之武俊雄健頗好詞
藝一見先生遂相異敬將署之賓位先生辭免武俊善騎射
戰先生以試乘過其藝于野武俊先騎驚雙鴨起于蒲稗間
武俊控弦不再發雙鴨聯蹕于地武俊驩甚命先生曰某之
伎如是先生之詞如是可謂文武之會矣何不一言以讚邪
先生由是馬上草射鴨歌以示武俊武俊皆以爲禰正平鸚鵡
之類也武俊益重先生由是奏請官先生詔授棗強亦如范
萊蕪之類焉故相國隴西公夷簡之節度漢南也少與先生
遊且思相見命列將以襄之操器于小賂武俊以請先生武
俊許之先生由是爲漢南相府賓冠隴西公日與之爲飲宴

具獻醕之儀歌詩大播於當時爲隴西公從事或曰以某下
走之才誠不足污辱重地劉棗強至重必以賓劉於幕吏之
上何抑之如是公曰愚非惜幕間一足地不容劉也然視其
狀有不足稱者諸公視某與劉分豈有間哉然反爲之惜其
壽耳後不得已問先生所欲爲先生曰司功掾甚閑或可承
闕相國由是掾之雖居官曹晏見與從事儀等又曰劉棗強
縱不容枉賓署承乏於掾曹拙矣奚不疏整其秩相國不得
已而表奏焉詔下之日先生不恙而卒相國哀之慟曰果然
止掾曹然吾愛客葬之有加禮墳去襄陽郭五里曰柳子關
後先生數十歲日休始以鄙文稱於襄陽襄陽邑人劉求高
士也嘗述先生之道業嘗詠先生之歌詩且歎曰襄之人只
知有浩然墓不知有先生墓恐百歲之湮沒而無聞與荆棘

凡骨潤吾子之文吾當刊焉曰休幸存既撫實錄之何愧嗟乎先生之官卑不稱其德宜加私諡然棗強之號世已美矣故不加焉是爲劉棗強碑

劉棗強碑皮日休撰去襄陽郭五里曰柳子開

唐詩紀事按李惠

簡元祖六年爲出南東是節度使劉三復使爲南

延慶院記并碑陰勅牒

後

唐蔣係撰魏脩正書咸通三年八月立碑陰勅牒二咸通

二年趙韜正書

碑錄

置延慶寺碑蔣係撰今在延慶寺

輿地碑記目

延慶洞行記

佚

唐咸通蔣係盧涇等游山新題碑今在延慶寺

輿地碑記

係又子善屬文得父典寶懿宗初節度山南東道

唐書蔣又傳

徐商德政碑

佚據文苑

英華錄八

大中十年春今丞相東海公自蒲移鎮於襄十四年詔徵赴
闕今天子咸通五年公爲御史大夫自始去襄於茲六年矣
而襄之卒校民吏泊七州之幼艾追思公之養育教訓相與
上言京師狀公之事績於天子刻之碑石用昭示於無窮於
是天子嘉公之舊軍副使太常少卿弘文館學士李膺曰凡
紀公盛德不續文於碑石將傳乎百千萬年宜用聞見詳熟
者則得其實騰固淺陋今適當職而爲之非以文用其敢辭
於是承命退而敘之公名商字秋卿家世儒門修源長波流

芳積潤溯自十五代祖諱欽十四代祖諱某兩世繼爲中書侍郎十三代祖諱諶十一代祖諱孝嗣問代繼爲太尉南朝之盛具在南史本傳生公七代祖諱文遠隋朝爲國子祭酒皇朝爲國子博士儒學尊顯名冠國史儒學篇高祖幸國學召博士講論春秋諸儒莫能對本朝司刑卿追諡忠公諱有功卽公五代祖也自中書至司刑十葉服冤乘軒重榮疊慶光隆顯赫無與爲比司刑當天后時累爲法官用法平恕常以潛德陰功論出枉陷力排酷吏之勢盡忠竭節以保護皇室公能副之炳爲元臣初公少時工學暇豫不爲嬉戲嘗以生民休戚爲已之任凡所經涉郡國土俗四民之業必皆詢問而究詳之於其利病無不通曉常曰使得一縣治當必爲良吏矣始舉進士文宗五年春考登上第升朝爲御史會昌

二年以文學選入禁署宣宗以北邊將帥懦弱不武公時爲
尚書左丞詔以公往制置安撫之歸奏最稱旨尋授河中帥
師又移襄陽公自初仕以至丞相華貫清級踐歷居多而未
嘗履趨蹌之迹含光蘊德容貌若虛人皆汲汲我獨委順當
任殿中侍御史丞人中書曰事執政因問徐殿中果何如人
丞曰今之賢人也執政曰然禮部員外郎缺諸公見言其人
所言者或再來請某有三至者徐殿中亦在薦中足未嘗及
某門殆眞賢人與子言是也卒以禮部與公始爲內職不治
民及受重藩使絕塞則前所蘊蓄道以寬恕爲本本於誠明
吏民畏公之詳達而不敢欺遠人感公之德惠皆願向服其
來鎮襄陽也亦率是道故期年而仁信敷再期而刑政省三
年而帑廩實四年而禮義興風教備問民之所病及願欲而

不得者必盡大而皆行之所行之政存而不朽者有八今具
襄民之狀庶得傳其顯實云其一曰漢南數郡常患江水爲
災每至暑雨漂流則邑居危墜桑土壞都大爲之防繞城隄
四十三里非獨壅澍足惜抑亦工役無時歲多絮憂人倦追
集公乃詳究本末尋訪源流遂開高沙隄擁扼散流之水於
是歸其穴口不使增修合人蜀江灌成雲夢是則江漢終古
不得與襄人爲患矣其二曰襄陽荆鄂十道之要路公私來
往充積實繁充給率配行供假借辦賄求利歲月不堪公乃
悉用官儲創置釋器富俱給費不接齊人往來徒所憧憧邑
人信皆不知矣其三曰軍人百姓窮困者多投狀陳論苦於
從前債利蓋以數十邑公私債負不許停至於補累攤徵有
類無減遂使家傳積欠戶率催促延及子孫例無放免飛走

無路怨憤難伸官中曾無所收私室常被撓擾公乃縷悉上奏赦免復依債戶旣除冤聲永息其四曰承前役納所由官田在城居側近者近百頃統謂之馬禾比每年配諸將官健出力營種率歲出錢人不下六七百例入屯所由官田元無所獲徒遺虛墜將額添市耕牛破費收穫無幾公乃廢卻其地判租與人每歲所收卻耕種之利租人皆獲利使將健永免工傭其五曰襄土疆闊遠連接江山每至秋時常多寇難張旗結黨夜出晝藏謂之山棚擾害頗甚燒劫閭井驅率平人至於道途皆須警備公乃選擇少壯官健三百人別造營名爲捕盜將常令教習不雜抽差訓練無時以爲備禦每聞屬縣寇劫當時據數抽行晨往夕歸夜發晨至皆是並賊捉獲更無子遺頓挫賊心鄉閭遂泰因創造捕盜將營屋四百

間分爲左右中間開報點集列垛置標別創一亭以爲教試之所奏立將額門當通衢過客行旅莫不興歎大中十一年諸郡搆亂起於湖南華詔徵兵同力剪滅漢南兵徵五百人尅日成功實自捕盜戍強之力又江西叛將毛鶴搆亂比諸盜最甚收復倍難成功當時韋宙僕射乘遽先至襄州奏詔令差兵助發遣所差五百人於數內全取捕盜將并差捕盜將韓季友總領兵士小路進發仍先揀擇通引官衙處侯史慶中與韋宙僕射爲元從押衙齎榜帖先至江西安存百姓遂收劫亂兵器甲及韋僕射舟楫至江州其韓季友請捕盜官健三百人開道分兵六路先去平明齊到人皆不知機計既行遂半日內而縛賊將授首者一十三人當日行刑傳首赴閩韋宙遂奏請且畱捕盜將二百人在江西并奏請權差

韓季友爲都虞候二年之中重修廨署城市皆捕盜將功力
其六曰荆南中路有蠻水驛地當卑下泥淖常多暴雨之時
不過車馬皆是結筏牽挽以濟公私行人力出編氓妨害農
業繚繞甚遠兩縣勞辛遠徑捷就高別一路度宜造驛永無
差徼之虞又近於當路十二里其七曰襄州兩稅每差綱官
送納并有直進膠蠟其數甚多例屬新官豈免賒閱陪備差
遣擾害頗深每吏部注官多不敢受因訪問資籍大數可以
資倍人遂請度支陸運腳搬馱到京遣進奏院所由句當輸
納旣免損污正帛又免上供失時襄州新官永無差役之弊
其八曰漢陰驛舊有江亭一所迎候皆於此前後窄隘不便
難容所要鋪陳須至漢陰驛上廳內送使前後應需難留門
廳車客居停全無牀幅結束非便寢止難安遂別構設廳以

備迎送長廊虛檻連接大廳怪石修篁羅列其所江波入戶
畫舸臨軒信可謂勝遊之地也又重修頊園改制上廳夏清
冬溫憩息便宜別開道路綠繞江亭主客邀迎咸遂得禮因
命新亭曰漢廣亭掛江所謂不朽之制凡公之爲民於興利
除害若屈到之芟子反之飲文王昌之蒲菹雖勞肢體勤思
慮含辛茹苦必行之未嘗一日而懈也故制貧民侵刻之員
罷疲卒奸濫之政公之仁也訓驍勇以擒盜繕甲兵以備武
公之義也具候館之器用豐饋勞之餼率公之禮也決高沙
之壅徙蠻貊之傳公之智也免屬官之綱致及時之貢利必
舉害必除公之信也夫總五常以枉躬之謂德德及於民之
謂政功之被於物也淺則其澤易竭政之被於物也深則其
久愈彰公之去夏六年矣民始懷公之德政而追思詠歌之

得不謂之被物久而愈彰公之德乎與夫在治而民之謬疑者異矣公前治蒲亦有是德突厥居特峨山者千二百人相率自外塞渡河歸附於朝廷以敵眾持疑兩端未卽信納公乃召其蕃長以恩信諭之皆泣下釋兵解甲伏以聽命因請徙齊魯之間隙地以居之編籍以耕民奏置備征軍千人日令督吉無有他役凡盜有新發無不立赴者又教其軍績紙爲戰衣千五百領矢不能陷哉飢乏食民流徙不止於是告廩發稌豆藎麥賤出以救之完治城廨列樹表道用民之力而厚其酬傭濟活以萬數逾期乃罷有禽俱巢於屬邑之樹其一巢者爲鷦鳥所搜日暮羣鷽哀鳴其他巢禽憫其孤遮往食之愛均已于殼長能飛而後去人咸以爲至德之感及禽鳥焉故公前之治蒲其仁澤被於物也旣如彼今之治襄

其德政及於物也又如此庸詎知異日蒲人之不有相率聞
於天子而請公之德刻於金石以傳乎無窮哉亦將必有來
者矣謹銘曰

公德之容宏深粹充公仁之先沉沒穠穠內愉外懌溥暢昭
宣政以之相民以之安恬昔下公惟德之理有碑於峴實表
厥美烈烈顯德蹈之者誰職祀六百惟公繼之繼之者何愛
民若子苞寒餽餓其急逾已日者大江浮至於屋萬民之命
將盡而覆是究是度惟公之規乃決其壅天沴以移公之來
朝民泣牽衣公從就路舉車從曰專敵嗟利無歸於私公長
御史朝綱以赫帝曰汝賢汝可承茲公遜不答退爲讓卑帝
心益嘉會襄人來請記公德刻之於碑帝曰賢哉汝眞吏師
政苟不惠人誰汝思嘉乃懿績遂命起之告示襄人謂爾咸

宣帝德明聖爾言適時勿謂天高其神可欺勿謂暗室而公
不知善不善報惟其所施爾不吾信視公之爲襄民之生實
公是營襄民之富實公是覆漢波滔滔其注維東公思在人
與彼無窮公澤惟川公壽惟山是禱是祀期千萬年崇巍峩
峩揭於峴顛民追而思永貽後昆

徐商德政碑李騰撰李曉隸書并篆額咸通六年十二月

建

寶刻
通志

徐商字義聲舊唐書附其子彥若傳不載政績新唐書附
其五世祖有功傳中所舉襄陽山柵及韋宙徵兵等事卽
采用此碑第五條語也

金石存
佚考

攝曇寺塔銘

未
見

在京山縣咸通六年進士尹璞撰碣前列名氏有前守當
令某又有句當造寺僧某文曰舍利之塔因空生相階列
九級堂開方丈風搖金鐸聲滿天上我疑鬼工不可名狀
於萬斯年永其瞻仰

金石存
佚考

黃州修文宣王廟記

佚

黃州修文宣王廟記鄧彥藻分書咸通六年

金石
略

太陽寺碑

見永

太陽寺在太陽山長慶中建有咸通六年碑磨滅不可讀

京山
志

尊勝經

佚

習勝經咸通七年五月

諸道石刻錄

相國徐公辭立碑表

佚

咸通九年在岷山

岷山碑記

延慶禪院經藏碑銘

佚

延慶禪院經藏碑銘趙璘撰國子博士裴光遠八分書咸

通九年六月建

寶刻類編

裴光遠書并篆額

復齋碑錄

義亭記

佚

義亭記劉虛白撰裴光遠正書篆額咸通九年六月建後齊

碑

開喜亭記

依

趙璘撰咸通十一年四月五日作亭後齊碑

趙璘撰記莊子賦上齊碑

開喜亭太守裴坦建

新賜池亭八詠

依

唐裴坦撰正書無名氏咸通十一年立刻於開喜亭記碑

陰

後齊碑

雲麾將軍宋戎墓誌

佚

從孫程撰劉虔古書并篆額咸通十一年八月

復齋碑錄

咸通九年立莊張王廟

輿地碑記目

社稷壇記

佚

唐容管經略推官皮日休撰國子監

設

學博士裴光遠入

分山南東道節度使裴坦新修州之社稷壇以咸通十二

年刻此記

集古錄目

陸鴻漸煎茶碑

佚

在復州

輿地碑記目

陸文學傳

陸子名羽字鴻漸不知何許人也或云字羽名鴻漸未知孰是有仲宣孟陽之貌隨而有相如子雲之口吃而爲人才辯爲性褊躁多自用意朋友規諫豁然不惑凡與人宴處意有所適不言而去人或疑之謂生多曠又與人爲信縱冰雪千里虎狼當道而不訾也上元初結廬於茗溪之湄閉關讀書不雜非類名僧高士談讌水日常扁舟往來於山寺隨身惟紗巾藤屨短褐犢鼻往往獨行野中誦佛經吟古詩杖屨林木手弄流水夷猶徘徊自曙達暮至日黑興盡號泣而歸故楚人相謂陸子蓋今之接輿也始三歲憚露育於竟陵大師積公之禪自九歲學屬文積公示以佛書出世之業予答曰終鮮兄弟無復後嗣染衣削髮號爲釋氏使儒者聞之得稱

爲孝乎羽將授孔聖之書公曰善哉子爲孝殊不知西方染
削之道其名大矣公執釋典不屈于執儒典不屈公因矯憐
撫愛愿試賤務掃寺地潔僧厠踐泥污牆負瓦施屋牧牛一
百二十蹄竟陵西湖無紙學書以竹畫地爲字他日於學者
得張衡南都賦不識其字但於牧所做青矜小兒危坐展卷
口勦而已公知之恐漸漬外典去道日曠又束於寺中令芟
翦卉莽以門人之伯主焉或時心記其文字懵然若有所遺
灰心木立過皆不作主者以爲慵墮鞭之因歎云恐歲月往
矣不知其書嗚呼不自勝主者以爲畜怨又鞭其背折其楚
乃釋因倦所役舍主者而去卷衣詣伶黨著譚談三篇以身
爲伶正弄木人假吏藏珠之戲公追之曰念爾道喪惜哉吾
本師有言我弟十二時中許一時外學令降伏外道也以吾

門人眾多今從爾所欲可捐樂工書天寶中郢人酺於滄浪
邑吏召子爲伶正之師時河南李公齊物黜守見異捉手撫
背親授詩集于是漢沔之俗亦異焉後負書於火門山鄒夫
子別墅屬禮部郎中崔公國輔出竟陵因與之遊處凡三年
贈白驢烏犂牛一頭文槐書函一枚白驢犂牛襄陽太守李
愷見遣文槐函故盧黃門侍郎所與此物皆已之所惜也宜
野人乘蓄故特以相贈洎至德初秦人過江子亦過江與吳
興釋皎然爲緇素忘年之交少好屬文多所諷諭見人爲善
若已有之見人不善若己羞之忠言逆耳無所迴避繇是俗
人多忌之自祿山亂中原爲四悲詩劉展窺江淮作天之未
明賦皆見感激當時行哭涕泗皆信臣契三卷源解三十卷
江表四姓譜八卷南北人物志十卷吳興厯官記三卷湖州

刺史記一卷茶經三卷占夢上中下三卷并貯於褐布囊上
元年辛丑歲于陽秋二十有九日

陸文學傳鴻漸自傳茶之名見前史蓋自魏晉以來有之
而後此言茶者必本陸鴻漸蓋爲茶著書自其始也至今
俚俗賣茶肆中嘗置一瓷偶人於竈側云此號陸鴻漸以
茶自名於世久矣考其傳著頗多豈止茶經而已哉然其
他書皆不傳

集古錄

唐劉冥鴻書陸羽自敘也劉虛白以羽自傳并李陽寫真
讚又爲後敘附咸通十五年閏四月刻石在復州

集古錄目

此傳歐陽公收入集古錄中當是石刻而不言所在新唐
書隱逸傳卽據此文增入也又按周慤收守竟陵因遊西
塔在縣西門外

覆茶州陽

著三感說云愿頻歲與太子文學陸羽同

佐李公之幕

今齊物于復字初陽

兄呼之羽白傳竟陵人當時羽說

竟陵風土之美無出吾國予今牧羽國憶羽之言不誣矣

羽字鴻漸白氏之典學鋪在手掌天下賢士大夫半與之

遊加以方口謬謬坐能諧謔世無奈何文行如軻所不至

者貴位而已矣我州之左有覆釜之地間似頂狀中立塔

廟簞大如臂碧籠遺形蓋鴻漸之本師像也悲歟似頂之

地楚簞繞塔塔中之僧羽事之僧塔前之竹羽種之竹視

夫僧影泥破竹枝筠老而羽亦終

一統志覆釜洲陸羽所居後葬此

于作

楚牧因來頂中道場白日無羽香火

一統志陸羽在覆釜洲上

遐歎零

落衣搖楚風其感三也其言有此傳所未及者因并錄之

金有符
佚考

茶黃山存制大師碑銘

伏

梓制大師碑在崇陽之金界院乾符乙未趙譚撰

輿地碑記目

紫極宮黃魔神廟記碑

伏據文苑
英華錄入

咸通末歲今翰林舍人蘭陵公自右史竄黔南秋八月二十
七日泝三峽次秭歸時屬水方漲橫濤蔽目公積悸而寢夢
神人赤髮碧眸且云險不足懼公異之再寢又夢公詰其所
自則曰我黃魔神也居紫極宮之西北隅將祐助明公出於
此境公曰吾斥去荒微危殆未已神能惠我何止以朝夕期
所幸與我俱遊我不忘矣亟言之神許諾自是抵於黔又遷
於羅每涉險艱神悅然如在泊公遷於朝神夢告歸公因爲
設廟列塑於宮之旁丁酉歲公從弟侑自澧陽尹亞西蜀路

出祠下以囊金致公意謂前制不專請別修做太守清河崔公承命感異躬親營之心匠既陳層軒以新神樂來斯靈儀踴躍按靈寶經五方有大魔其中央曰黃天魔王橫天擔力謂能扶蒼閔周覆萬有天其或者以公有宏濟之業將扶危定傾作鎮天步俾黃魔降監爲公之朕兆乎噫天之功必藉於大賢神之靈故輔於有德必有鴻猷盛績萃於公之心未可知也循以學官謫种歸奉太守命弗敢讓所記乾符丁酉歲仲春月九日司戶參軍袁循記

紫極宮黃魔神廟乾符丁酉袁循記

袁字記

蕭邁字得聖由起居舍人斥播州司馬道三峽方迫畏不暇若有人謂曰公無恐予爲公呵護邁恍悟俄謁白帝祠見帝貌類向所睹異之未幾召爲禮部員外郎僖宗入蜀

拜同中書門下平章事

唐書蕭瑀傳

山南東道左押衙韓玟誌

佚

韓玟志正書無書撰人名氏乾符己亥九月

復齋碑錄

寶豐院記

佚

唐寶豐院在江夏縣東六十里本唐末貴州刺史王統母

陶氏墳庵有記乾符四年朱朴撰今記猶存

輿地碑記目

新立鎮南將軍劉表廟碑

佚

唐陵州刺史劉權撰并書劉表字景昇山陽高平人後漢末爲荊州牧僖宗時山南東道節度使劉巨容嘗夢見之

故爲立廟巨容自稱裔孫碑以廣明二年立

集古錄目

在襄州

晉志

唐新修後漢荊州劉公廟碑劉儼撰廣明二年並書碑在

城中廟前

史通碑記目

劉權忠州刺史晏曾孫

唐書藝文志

碑陰劉巨容題記

佚

碑陰劉巨容題記與廟碑同巨容既立廟因於墓側構水亭爲遊晏之所法記表儼屬劉越轉嵩等及蜀先主在荊州事迹未有表所作山道口亭銘刻在廟碑之陰

集古錄目

德光山院塔記

佚

在咸寧縣西二十里唐中和三年剏有古石塔鐫記猶存

輿地碑

記目

景福遺文

佚

余在夷陵得之民家見當時縣有驅使官衙直典然云米

一作來

不口者莫詳其語

集古錄

武當山神武威公新廟記碑

佚

翁洮撰魏口書並篆額乾寧三年六月立

寶刻類編

改封武威王新廟記

佚

唐徐礪撰正書無名氏篆額光化二年六月立在襄陽縣

諸道石刻錄

改封諸葛亮爲武靈王廟記

佚

唐光化五年封諸葛孔明爲武靈王今在隆中

輿地碑記目

淮安王趙公祠堂記

佚

無建碑之歲月又不載其名字莫詳爲誰余疑趙德諱卽其人也按唐書德諱傳初從秦宗權爲右將以討黃巢功授申州刺史而碑云大寇作二京陷公始爲義陽郡太守義陽郡卽申州也又按光啟元年秦宗權陷襄州以德諱爲山南東道節度畱後文德元年德諱以襄州降以德諱爲忠義軍節度使宗權平加中書令封淮安郡王遷拜次

序與此碑所書俱合碑又云今令公功業不虧於舊日官榮更顯於昔時今令公者其子中書令正凝正凝以天祐元年封楚王此碑蓋立於龍紀之後天祐之前故止稱爲今令公也

集古後錄

興唐寺鐘

佚

鄂州城北鳳凰山之陰有佛剎曰興唐寺其小閣有鐘題誌云大唐天祐二年三月十五日新鑄勒官階姓名者兩人一曰金紫光祿大檢校尚書左僕射兼御史大陳知新一曰銀青光祿大檢校尚書右僕射兼御史大楊琮大字之下皆當有夫字而悉削去觀者莫能曉五代新舊史九國志並無其說唯劉道原十國紀年載楊行密之父名怵

怱與夫同音是時行密據淮南方破杜洪於鄴而有其地
故將佐爲諱之行密之子渭建國之後改文散諸大夫爲
大卿御史大夫爲御史大憲更可證也

密諱
三年

隨州棗陽縣普照寺毘沙門神素象頌并序

佚

在棗陽

與地碑
記目

開元觀斷碑

佚

江陵府城中開元觀斷碑查藻詩云斷碑最愛開元時上
有模糊五千字

與地碑
記目

古帝寺碑

佚

潛江縣二十里東北寺內有斷碑一截其字磨滅不可讀

輿地碑

記目

法華臺記

佚

法華臺記在枝江縣法華臺至道二年春鄭文寶掘地曾

獲法華臺記

輿地碑
記目

舜帝廟碑

佚

舜帝廟碑在蒲圻縣北有斷碑載二妃事字沒滅不可考

輿地碑

記目

石柱廟碑

佚

石柱廟碑在秭歸縣之長城縣柏長村

輿地碑記目

玉虛洞碑

佚

玉虛洞有唐碑一片在洞門崖石之下

輿地碑記目

玉泉邵子明碑

佚

玉泉二碑其一邵子明其一李安期

輿地碑記目

玉泉李安期碑

佚

見上

開元寺唐賜院額碑

佚

開元寺唐賜院額碑寺今名普安在城東二里

輿地碑記目

石橋記

佚

石橋記在武當山落帽峰

輿地碑記目

祖堂字碑

佚

祖堂字碑在襄州

金石略

三乘典祕之藏碑

佚

三乘典祕之藏表休書在襄州

墨池編

阿難經碑

佚

阿難經碑無年月在龍興寺

輿地碑記目

阿彌陀經陳仁稜所書刻于襄陽

文獻通考

沈約墓碑

佚

沈約墓碑在荆門軍管通判家

輿地碑記目 按沈約碑宋語何代今碑記目次唐

碑後姑附唐本

通州石固尉鄧茂誌

佚

通州石固尉鄧茂誌毛元素撰無立石年月

復齋碑錄

李聽碑

佚

聽自安州刺史遷神武大將軍而史不書獨見此碑

集古錄

梁將軍碑

佚

梁將軍碑在穀城縣北二十里

訪碑錄

節度使梁崇義碑

佚

在襄陽縣東二里

訪碑錄 按崇義見唐書叛臣傳

韓思復碑

佚

韓思復碑在襄州

諸道石刻錄

道德經碑

佚

道德經碑在襄州

諸道石刻錄

驕驕橋三大字

見未

驕驕橋石刻三字在唐城鎮

與地碑記目

校驕驕橋在

唐成公有兩驕驕馬

今唐城鎮有驕驕碑驕驕橋三字傳云

是唐人詩刻胡曾詩云行行西至一荒陂因笑唐公不見
錢莫惜驕驕驕令尹
漢東宮闕早時歸

碧玉流三大字

存柳公權正書在黃梅

碧玉流

右碧玉流三大字摩崖正書字徑二尺三寸縣志云在四
祖山靈潤橋下唐柳公權書蓋取柳宗元破額山前碧玉
流句宋學詩曰橋邊三大字云是柳河東亦本此在黃梅
縣西三十里西山石壁一名破額山紫墨池編云誠懸正

書法出於顏而加以遒勁豐潤自成一家今觀此三大字

信不虛也

湖北金石詩注

吳道子畫宣聖像

存上題篆書下題行書在宜城鄆鄆書院

宣聖遺像

吳道子筆

右碑在宜城縣鄆鄆書院中高五尺四寸寬二尺五寸二分上兩旁篆書宣聖遺像左角下行書吳道子筆四字間曩有直指過郭外鯉魚橋馬驚不前遂拂拭得之於橋下歷年久遠埋沒於荒階斷礎間乾隆壬寅宜人修鄆鄆書院復於埤道中掘出象高五尺衣冠俱常服腰佩劍通身完好信奇筆也按書畫譜道子無宣尼象新舊唐書又不載道子傳不知宜城何以有此俟考

湖北金石詩注

會景石題名

佚

復州會景石上題唐朝寶史君名

輿地碑
記目

東方山題記

伏據輿地碑
記目錄入

漢東方朔之故居也

東方山石刻在武昌之東方山有石刻此八字

輿地碑
記目

楊氏志蓋

行策書
在襄陽

唐故弘農郡楊氏之誌

按此志蓋出自
襄陽志石久佚

河州秋興亭記

伏據唐文
粹錄入

在陽而舒在陰而慘性之常也履儉而慄處夷而泰情之變也觀掛讓而退覩交戰而競目之盛也聞韶濩而和聆鄭衛而靡耳之動也夫其舒則怡慘則悴慄則止泰則通退則無咎競則有悔和則安樂靡則憂危性情耳目優劣若此故君子慎居處謹視聽焉沔州刺史賈載吾家之良也理沔州未期月而政和於聽訟堂之西因高構宇不出庭戶在雲霄矣卻負大別之固俯視滄浪之浸聞吳蜀樓船之殷覽荆衡藪澤之大亦有旨哉性得情適耳處目聞且處動則倦理倦若靜處靜則明惟明以理動窮則變變則通通則久今沔州靈府恬而神用爽政是以和觀其前戶後牖順開闔之易簡也上棟下宇無雕琢之飾儉也簡近於智儉近於仁仁智居之

何陋之有況乎當發生之辰則攢秀木於高砌見鶯其鳴矣
處臺榭之月則納清風於洞戶見暑之徂矣泊搖落之時則
俯顙氣於軒楹見火之流矣值嚴凝之序則目素采於簷楹
見雪之紛矣政咸訟清體安心逸而詩人之興常當時之興
秋興最高因以命亭焉余自巴山徵赴宣室欵鞍棠樹之側
解帶竹林之下嘉其俯仰美其動息乃命進牘指毫以記之

秋興亭在鳳棲山巖唐刺史賈載建

金石存
侯考

梁

重建鼓角樓記

佚

鄭勞謙撰正書無名氏開平二年十二月

復齋
碑錄

修峴山亭記

佚

無書撰人名氏篆額貞明二年十一月

諸道石刻錄

後梁新修峴山亭記正明二年碑在峴首

輿地碑記目

吳

鄂州南樓摩崖

佚

高一丈一尺闊如其高而加五寸刻大字八十五凡爲九行其文曰乾正元年荆襄寇亂大吳將軍出陳武昌詔太守楊公出鎮後云荆江京漢推忠輔國侍衛將軍吳居中記案楊行密之子溥嗣吳王位是歲唐明宗天成二年溥以十一月僭帝改元乾貞宋莒公紀年通譜書爲乾正云避仁宗嫌名通鑑亦同而此直以爲乾正一時所立不應

有誤也

容齋四筆

慈雲院石幢

伏

石幢在江夏縣東南之五里慈雲院有石幢刻吳乾正二年重建又有唐保大間所建殿猶存

輿地記

後唐

後唐刺史修廨斷碑

伏

圖經云自唐正觀十年由竹山徙房陵廨宇其詳莫可考證近得斷碑數百字有特修廨署壯郡城之氣槩巧安池榭光衙門之威稜而逸其年月稱乃後唐之刺史郡者

輿地記

晉

經藏修造記

佚

狂龍門山外金鑾福昌禪寺有晉天福六年創經藏修造

記見存

輿地碑目

新創臥龍山武靈王學業堂記碑

佚

李光圖撰正書無名氏篆額天福三年七月記

復齋碑錄

在襄陽之伏龍山

輿地碑目

碑題稱臥龍山而王象之輿地碑目以爲在伏龍是臥龍
伏龍本一地也今府志以縣南二十里爲伏龍山又別指
縣南十里者爲臥龍山蓋附會而複出矣

金石考

南唐

匡道禪師碑

佚

匡道禪師碑智憚撰并書及篆額保大元年十一月建在

蘄州

寶刻類編

四祖塔院疏

佚

李璟正書篆額保大三年正月十日在蘄州

寶刻類編

十國世家年譜天福八年癸卯南唐李景立改元保大

五代

史

按嘉慶通志作

碑據寶刻類編改

重刻頭陀寺碑

佚

韓熙載撰碑文徐鉉題額最後云唐歲在己巳武昌軍節度觀察使後知軍州事楊守忠重立前鄂州唐年縣主簿祕書省正字韓夔書碑陰云乃命猶子夔正其舊本而刻寫之以是知夔爲熙載兄弟之子也碑字前後一手又作溫字不全蓋南唐尊徐溫爲義祖而避其名則此碑蓋夔重書也碑陰又云皇上鼎新文物敎被華夷如來妙旨悉已徧窮百代文章罔不備舉故是寺之碑不言而興按此碑立於己巳歲當皇朝之開寶二年南唐危蹙日甚距其亡六年爾熙載大臣不以覆亡爲懼且言其主鼎新文物敎被華夷固已可怪又以窮佛旨舉遺文及興是碑爲盛誇誕妄謬真可爲後世發笑然熙載死李主猶恨不及相之君臣之惑如此雖欲久存得乎唐制節度使不在鎮而

以副大使或留後居任則云知節度事此云知軍州事蓋漸變也唐年縣本故唐時名梁改曰臨夏後唐復晉又改臨江然歷五代鄂州未嘗屬中原皆遙改耳故此碑開寶中建而猶曰唐年也至江南平始改崇陽云簡栖爲此碑駢儷卑弱初無過人世徒以載於文選故貴之耳自漢魏之間駢駢爲此體極於齊梁而唐尤貴之天下一律至韓吏部柳柳州大變文格學者翕然慕從然駢儷之作終亦不衰故熙載錯號江左辭宗而拳拳于簡栖之碑如此

入蜀記

碑會題記

佚

見上

龜峰山磨崖

見本

龜峰有磨崖山俗傳唐玄宗駐此題校南唐書李璟廟號亦曰玄宗麻城爲南唐所屬疑其遺跡

麻城志

周

南平高王廟碑

佚

荆南節度贈太師楚王高季興碑孫光憲撰王貞元行書王貞範篆額顯德二年九月立

寶刻類編

今在江陵府城西三王廟前

輿地碑記

安州防禦李璣德政碑

佚

李賈儼撰趙仁朗行書顯德五年七月五建

寶刻類編

李瓊字子玉幽州人世宗初改安州防禦使治郡寬簡民

請立碑頌德詔中書舍人竇儀撰文賜之

宋史本傳

按傳則此碑爲竇

儀撰寶刻類編作賈儼字近而訛李字則衍文也

歸州天慶觀碑

佚

歸州天慶觀有周顯德中荆南孫光憲爲知歸州高從讓

所立碑

入蜀記

從讓蓋南平王家子弟光憲亦知名國史有事迹蓋五代

時歸峽皆隸荆渚也

金石考

石馬洞碑

佚

石馬洞碑在荆門軍花溪之上清溪之下五代間有斷碑

尙存

輿地碑
記目

宋

南平高武信王神道碑

佚

王諱季興葬于江陵縣龍山鄉乾德六年陶穀撰

輿地碑
記目

南平高文獻王神道碑

佚

王諱從誨葬龍山艾隸撰

輿地碑
記目

南平高正懿王神道碑

佚

王諱保融葬龍山陶穀撰

輿地碑
記目

南平高氏三王墓在江陵縣西龍山鄉郝泉里武信王季

興文獻王從誨正懿王寶融也

一統志

渤海高公神道碑

佚

高氏三王墓俱在龍山其神道碑及渤海公高保勛碑皆

陶穀撰

江陵志

公諱保勛陶穀撰

碑記目

太宗御書崔顥黃鶴樓詩

佚

太宗御書黃鶴樓詩石刻在州治

輿地碑記目

延慶寺僧惠廣造塔碑銘

存正書在襄陽峴山

大宋襄州鳳山延慶禪院傳法惠廣大師壽塔碑銘并序

東海潘平撰

北嶽信天書

此在前
行下

蒼澗國泉萬仞衍彌虛之頂青峰妙嶺千尋淩渤澥之心理
備三才天卽地而人卽法道隆千古法卽人而石碎缺佛
廿八字

證菩提喜舍話三乘之性禪令頓悟慈悲開五業之源法雨
高垂益潤等乾坤覆載國風遠布光輝齊日缺廿
八字達此是

真如之境識心了性悟斯爲般若之源有以見惠廣大師之
旨趣也師名歸曉字信天口口口口出缺廿
光元年

歲在癸未誕生之時天地明肅清煙遶室白日凝空仁里榮
觀親疎共慶年六歲父令誦詩缺四
字菩薩幼不食肉口隨

母齋

缺十
字

旦白

父

母曰志求出家口垂口父問曰出家何

謂云願歸清淨之門早悟真源之理唐清泰三年四月八日

年

字

城延壽禪院札清遇和尚

爲

師初到

字

家當

爲何事對曰我欲見佛師云汝著志心佛當必見自始采薪

擊磬汲水添餅畧往寒來精勤靡間朝暮掃地

摩經至

是身如聚沫不可撮摩

然

立云浮生

字

語驚喜訝之

乃命罔黎與落髮幼稟天性雅靜雍和言直志端異常罔

測大晉天福五年暮春月十六日向邢州開元寺授戒始

毗淨威儀登嚴苦空門披四分之律風耀一輪之戒月神清

耿耿如鸞子

字

峰

秀昂昂似飲光行於鹿苑初夏師

令誦律半月念終五年依止於師一志精虔於旦暮師忽

問曰汝知理何人不往乎參問於是辭師南北渡水穿

雲遊東洛入西

申一問無雲還有雨也無對云有良久沉思又祀三拜遂□
洛汭入□氏峽過黃沙里渡□漾水千重覩高嶺之煙雲聞
含珠之秀麗□□□上到臥龍追虎之郊遇賞襄陽見解珮
沈碑之蒲西之廣德冒細霧之輕煙南□含珠上巔崖之峻
嶠初到時師置起拂對曰海上龍橫人天忽見師又拈拄杖
放在面前對□□□因測師云少年老大爾後因茲入室乃
遂昇堂言益朝昏隨流上下中秋夜師大上堂海嶽雪集特
申一問明月當天爲何不照學人心意師云一輪皓色光三
界八識憊狂昧□□□斯示論頓息機緣如四海之間雲似
五天之孤月一從參覲六換炎涼采□□薇以申供侍忽一
旦暫辭香砌略別師顏造隨陽護國名筵至安陸坐乾勝會
有時途路上見□□□□野□有霜宿孤峰無水齋白雲隨

步步黃葉落挨挨若遇杉松裏風寒□

碧

崖而又前之荆渚

順詣湖湘旋迴五綴於鳳山乃掛六鐙於延慶值當院通性

大師來自芭蕉□□□一從慕□八載依仁翊輔辛勤星

霜靡閒不期通性示寂緣終王□□園分明囑授唯慙薄鮮

退讓德人匪敢承當深增婉荷乃請首座惠超上人開堂爲

眾末由半載又□□□大宋建隆元年十二月十九日惠崇

院主守叟維那及大眾等密上請疏聞王太師願請院主曉

上人開堂爲眾說法住持勿阻告投希從眾望豈謂台情喜

允又舍□天□□□大齋共申祀請於是龍幢虎節□□俗

□赴以□□遠邇英賢□蓮幕金璋而濟濟眾乃榮登花座

如月滿以當空信禮焚香似□花而映水坐定良久師云道

德荒閑虐受□□見□□□

規

□□□碩德吹揚遜讓未遑

倍□悚惕而□□諸儀密意□在目前悟卽刹那之永□
□承三請須露一言幸對人天有疑請問尋有僧問師唱雜
家曲宗風阿□對云道□□□□□惡雲法雨市人天
又有僧問如何是□對云道州出矮子後有進士樊復問生
死色空如何免會對云有路易尋三品客無門難覓九天人
忝承重命但媿轉□□論古聖真慈□□□□一佛刹至
一佛刹曲□□□□言祖□□□□有與青霄得□明之者目
下醒醒昧之者途中浩浩爾後禪林益茂海眾臻盈八方清
信鴻英咸皆景重丹禁公卿朱紫盡慇欽依送□□□□
□□□□□□松假蓋靈禽去而瑞鳥來綠竹□□丹鳳集而
蒼龍至泊閏寶二年南陽侍中張公諱承德聞師道仰師德
甚欲披雲無由覩月雖□封域俱守藩□□聆清淨之芳音

莫到白雲之嘉□是飛章表願降天衣果蒙聖主允從特賜
皇恩紫綬由是專差人使送至鳳山表三台景望之恭虔作
一且輝今之耀古太平興國三年壽州□□太尉王公□承
衍天邊鸞翌日下欽名遙瞻雪嶠以傾心遠望蓮臺而礼足
載陳章奏薦乞加恩沐天慈貽惠廣師名承□□_玄林蒼
翠致使襄江楚□高□芳名□□□□傳嘉□□龍神
踴躍藤蘿芳鬱映天河月島嶼連雲殿閣崢嶸□_鴛瓦□梁
而對日霜鍾暮擊清聲揚六律之音月磬朝鳴□□五音
之韻師恆爲□無□□□無仍有首一切眾生亦有眾生無
者一切諸佛亦無乃有高品剎俱奉問龍廷金口問□何對
玉機師對云鳳閣龍樓遠堯舜日新又有□□不暮諸聖
不重□□□□對云此問太伾何不近上問又有進士劉

岳問得失是非一齊放卻時如何對云這一條□□阿誰□
師云一眞理性同天地以難窮五蘊靈浮□□□易□遂
有天水公趙普者禮讓通明玉石金蘭作性溫良□義青松
白月爲心實閭閻之^至望乃人倫之□鏡□師示論不覺淒
涼遂捨家財擬修壽塔粗表精素以俟送終乃□□言願垂
允許師忽聞已默然未從慮害於人恐傷於物普又向^彭城
劉氏再三其礼方可從之泊端拱元年歲在戊子五月一日
師壽年六十六擇勝地選良時趙公以捨寶□材□□霜
斤□□然先立塔亭一座^三間九架奇哉壯麗輪奐□□
明窈窕靈幽豁然□雅巧壞了日清□至而碧霧凝結凡圓
轉玉光旋而金烏遶後有僧義永上人者天雄□□□水精
英爲柰苑之^玄枝作祇園之翠葉覩斯盛事擬助良緣自□

□能以修石塔眾皆忻讚不可違之天水趙公聞之甚喜於是開山取石隨日月以忙忙鑿壁穿崖逐寒喧而□□□因緣契合□□心堅匠巧材豐俄然告足乃般乃運以鑿以錫□□□□躬之合成莫不上下高□方圓備□周迴而山海嶺嶺內外而花雲簇簇盤龍走鳳飛騰如出□奔山□□□□□似□天□地穹窿拂儼如舞蹈以驚人腳細胡□似吹彈□□罩窺我□麗□祥煙上貫三天□□□□□□□□谷九地其塔也東連東海西接西天南觀□□洪荒北□□雲紫塞□使陵遷永在谷變恆存非惡琬琬辭文莫記年華日月□平才非二陸學謝三□□天□□□□□□□□又忝隨秋貢過南宮陪丹鳳翔□□春開□北□□□□失意而後同之漢上乃肩禪局蒙碩德以延

容向金

而

棲隱時觀水

如

之

日

觀

村

乃

及

水部

乏

金琢玉之功

演思雲間敘達

士通仁之記然

敢述大名不

爲

法海

三才齊列

功

然

天卽地

也

人卽法焉

非眞非假

非後非先

千燈起一燈

人間無罣礙

天上有昇

西竺

南

去住

分明

蕩六塵湛寂淵淵信行

恭

端

謹

慈悲喜捨

周圍古聖

今賢共說

超生越死

同

越

斯地

源來

萬里山

四

去

三秦煙

楚

越

斯地

源來

萬里山

四

去

三秦煙

楚

越

斯地

源來

萬里山

四

去

三秦煙

楚

越

斯地

源來

萬里山

四

去

三秦煙

楚

越

斯地

源來

萬里山

四

去

三秦煙

楚

越

斯地

源來

萬里山

四

去

三秦煙

楚

越

斯地

源來

萬里山

四

去

三秦煙

楚

越

斯地

源來

萬里山

四

去

三秦煙

楚

越

斯地

源來

萬里山

四

去

三秦煙

楚

越

斯地

源來

萬里山

四

去

三秦煙

楚

越

斯地

源來

岫明珠浦月□襄川□漢津□□兗巍戢益鎮地天披雲□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

亥記此有小学以下 今□□年 宋□化甲午六月壬子朔十二日癸

馬案百碑高七尺三寸寬三尺八寸題大宋襄州鳳山延

慶禪院傳法惠廣大師壽塔碑銘又題東海潘平撰北嶽

信天書求行下題潤化□年歲次甲午六月壬午朔下缺

共三十九行行六十七字正書字徑九分碑云師生於缺

光元年清泰年字四月八日年十缺藥城延壽禪院禮清

遇和尚又云大晉天福六年暮春月十六日向開元寺授

戒始達毘淨缺又雲端拱元年師壽年六十六云云以是

推之師蓋生於後唐同光元年禮清遇和尚時年十四也
此碑立於宋清化五年迄今七百年殘缺字跡不及十分
之二洵難得也碑今在襄陽城南峴山西三里許延慶寺
內

在襄陽

延慶寺會南豐以爲在望楚山前此碑自署鳳山豈今昔
異名與舊志直云在峴山後失考甚矣碑詞駢儷尙沿五

代之習又多記上堂問對語亦釋子本色也

金石錄供考按延慶寺

僧惠廣者蜀人見於訪碑錄而惠廣誤作廣惠宜校
正之延慶寺與地紀勝云梁韋叡所立道安巖寺在
惠廣寺前人不詳里數言碑人北魏僧人豈惠廣自書
塔銘又云自光元年歲在癸未後唐之同光也王太師者
萬也張小德宋史有傳字抱一并州陽曲人王承衍字希
甫史附其父審琦傳又有趙普者不署官爵非丞相趙普
也

慧通禪院歸柔和尙碑

南齊書卷之四十五
南齊書卷之四十五

鄂州趙橫山慧通禪院先師和尚碑銘并序

鄉貢進士饒光輔撰

進士譚賈昇并篆額

稽自古以來名垂不朽者則非苟一時之美而得行後世之
風也必先靡仁義之派彰道路之源濟億兆黎民闡無窮教
化使居內者有去惡之念處外者知慕善之誠舉其類則殊
途資於人則一揆同有厥德其可謂聖賢乎然立功於前者
非自執持於後代蓋則代生其門傳而口之非其人則無能
爲也是故一如來入涅槃之時以正法付摩訶迦葉其下則
烏鵲三師子比丘至佛馱九那以至覺至可至燦至信至忍
至能謂之六祖吾以六祖之後繼踵於後者非先師和尚其

□可論哉和尚諱歸柔本魏府觀城縣再清鄉人也俗姓靳氏於有唐天祐十三載投本府興福院光□□出家落髮越明年受戒性深覺悟不雜羣近遂負瓶鉢參遊大知不逾歲間獲悟於韶州雲門山眞師之座也自是放曠□□優游道源迭二十餘年扣寂尋冥廣順元祀居於郢城城之東南有□曰仙女□□奇秀扼荆楚之翼□和尚乃隱於斯息蔑塵慮食黃苦以蒙養絕顆粒以撫閭龍虎旣降魑魅潛遁枕怪石□寒□□十□秋不交世俗乾德五年隣巖雙流村胡可傳等備齎於公始請住是山慧通禪院也□之□院□□別記此不復說□□□□□大啟微猷□□開而日月爭光行業生而烟霞并彩歸□者如□慕□者如□生靈旣濟於遐邇惠愛益超於今古中下之士孰不瞻依今皇上□□

○載雍熙元年十二月初六日夜則和尚遷化之辰也俗壽八十六僧臘六十七當月二十日殯於塔廟泊雍熙○年九月十四日將○塔○十三夜降夢於○之弟子紹因曰爲吾開其塔無宜久蔽○土因公既覺○和尚有歸○之望凌晨以夢中事白於檀那約十八日會眾於塔前開而視之方○真身有不壞之異○是香湯百和沐浴○容飾就儼若禪定嚴粧座宇香燈晨夕憶何須兜率天上方明天道直恐○會中○身○得祈求有○齋供霧集稼稿枯焦之際使法雨潤之於高下者哉其如○隨○應召三○顯○善彌彰於六合令德斯博又不可勝紀者也是○生○佛事普濟羣生俾中下之流明而不息其○國之情也如此死有神化克洽天功使旱潦之兆

□而不作其惠民之義也如此刊之□□既崇且□□釋氏
已來同於是者其亦鮮矣太歲丙申因至斯□□□□蘭
陵召延□於□□□□見住山門□□□□上人請致其
文光輔不以學□□內典聊屬詞以序其□□將垂先師和
尚□□於墜矣碑成而□□銘云

生有其惠

死亦垂刊

惠布生靈

利□□□

教先濟時

功後□祈

眞身不墮

盛德如之

峩峩趙山

巍嶽□□

因□□名

□□□□

歲月雖邁

□猷永賴

刊銘于碑

庶光其大

至道三年□月□日建

匠人曹廷演鐫字

直歲僧紹勲□座僧□新維那僧海眞住持沙門紹因

將仕郎京山縣尉同徵科事□用文林郎京山縣令尉遲懷師□歸謫

馬案右碑題大宋郢州趙橫山慧通禪院先師和尚碑銘
並序又題鄉貢進士饒光輔撰又進士蕭資書并篆額末
題至道二年□月八日建碑云和尚諱歸柔本魏府觀城
縣再清鄉人也俗姓靳氏於唐天祐十三載投本府興福
院光嚴下出家落髮越明年受戒又云雍熙元□十二月
初六日夜遷化僧俗壽□十六僧臘六十七當月二十日
殯於塔雍熙二年九月特建塔亭遂降夢於弟子紹因曰
爲吾開其塔無宜久閉因公會眾開塔視之方□真身不
壞之異云云序後系銘半不成句末題將仕郎京山縣□
同□科事說又文林郎守京□縣□尉遲懷下缺額篆慧
通禪院先和尚碑銘九字碑連篆高六尺五寸寬三尺一
寸文二十四行行四十字正書今在京山縣西南四十五

里湖北金石詩注按魏州觀城縣宋屬河北東路今山東曹州府觀城縣西他女洞輿地紀勝洞在京山縣東洞門三中有石梳石鏡台建炎中嘗有道士秉燭入其中數日而出明隨州也後有繼人者卽遇迅雷暴雨不可復入

新修浮圖記碑

未見

咸平二年正月在麻城縣南二里塔兒橋

金石存佚考

黃州齊安永興禪院記

佚據小畜集錄入

齊安郡名也永興院額也蓋僧耆故老通而呼之遂以爲常耳唐時舊州在齊安河上院錄云因刺史杜僕射以白雲觀建爲斯院按唐史未嘗有官至端揆而刺黃者疑唐末杜洪據有鄂渚北結梁人東抗楊氏黃鄂之屬郡也或以宗族典

之於是皇綱弛紊官紀僭忝僕射之稱不爲異矣其後隨郡
遷徙立院於茲兵掠火燔曾無寧歲乾德中楊行密盡有淮
南之地天祐二年楊公卒其子渥稱嗣吳王奉唐正朔以部
將孫彥思爲黃州刺史始建院宇崇佛像彥思母王氏舍妝
奩鑄鐘於今尙存主院之僧傳法之祖喪亂無紀莫得而知
今所述者斷自紫陵而下紫陵者郢中名山也山僧曉禪世
謂之紫陵和尚其後舍茲院遊鳳翔從清秦入洛賜號國師
次曰同一次曰行忠次曰節運次曰延其次曰自正此五僧
者自前唐天祐上聖朝端拱初有若蘄州三角山龍門禪師
僧白南開堂演自南者合淝人世姓解氏住持凡七年復歸
蘄州四祖山隨化中有若蘄州白雲山廣教院僧智雨嗣興
院事智雨者澣水人世姓朱氏以至道三年十一月一日寂

減俗書五十一頁臘二十七臨終召院眾付囑今長老仁辯
遂謫人得法於智雨者也卽以其月十二日用茶毘之法葬
智雨起塔于長圻村二十八日仁辯會大眾陞法堂有僧元
資問曰如何是齊安境答曰後面青竹連道觀前頭綠水接
武昌又問如何是境中人曰大似不相見此之謂住持傳法
僧院舊有堂廚各五間圖化二年郡人王福舍錢二百萬造
大殿成再興舍錢一百五十萬造僧堂郡之眾戶率錢二十
萬建老宿堂又率錢十萬立方丈室左都押衙丁文燧舍錢
五十萬建浴堂蘄州人王真舍錢四十萬勸菩薩殿塑彌勒
像里人周遇舍茶園此之謂檀越知院元吉掌申牒公府維
那法俊掌提轄堂司供養主文遇掌化募施利典座道真掌
庖廚眞歲省愼掌墾種此之謂知事僧先是眾僧請院前開

田一段又請通民麥莊一區來牟蔬果豐焉住持傳法僧無
祖廟道高眾伏則推之知事僧無資級才堪心願則爲之故
上下熙熙而忿爭不作矣夫禪者儒之曠達也律者士之名
教也浮圖氏離而爲二罕能兼之其甚者互相矛盾過于仇
讎惟長老仁辯禪其心以度人律其行以伏眾有來必應虛
往實歸禪其心也一裘一飯之外日誦法華經二部律其行
也某筮仕以來治僧之訟多矣獨愛其無親疎無人我有賢
智則尊而事之有才力則信而使之去而不強推而無競渾
然幾乎道矣故總而爲之記至于院宇之至嚮田園之廣袤
道具經典租庸什器諸書石陰時大宋咸平二年八月十五
日記

咸平二年八月王禹偁撰

湖北通志

黃州治所在齊安郡舊城東南一百三十里太平寰宇記
中和五年移治於舊郛城南與武昌縣對岸記所云唐時
舊州在齊安河上其後院隨郡徙者也記又云紫陵者郢
中名山在山在京山縣南六十里縣志詭紫爲子而牽合於
嚴光於是帝星之井讀書之處展轉傳會孰謂寺觀碑碣
無關考證哉金石有佚考移隋志開皇五年改黃州爲
黃元元年復爲黃州故黃國爲名直人實也年改齊安郡
志云楚人伐郛其民徙其君于黃之故墟榮城居之號
曰郛城今在黃岡西一百三十里縣志黃州且洪唐古舊
五代史均有黃州朱榮和行密所爲行密所爲行
密達盡有淮南之地孫茂思無所考趙雲
茲以五代時人起者好周茂字亦五一證

黃州新建小竹樓記碑

佚據小奇
集錄人

黃岡之地多竹大者如椽竹工破之剝去其節用代陶瓦比
屋皆蓋以其價廉而工省也子城西北隅雉堞圯毀莽荒
穢因作小樓二間與月波樓迥遠吞山光平范江瀨幽閒遶
魚不可具狀夏宜急雨有瀑布聲冬宜密雪有碎玉聲宜鼓
琴琴調虛暢宜誦詩讀清經宜圍碁子聲丁丁然宜投壺
矢聲錚錚然皆竹樓之所助也公退之暇被鶴氅衣戴華陽
巾手執周易一卷焚香默坐消遣世慮江山之外第見風帆
沙鳥烟雲竹樹而已待其酒力醒茶煙歇送夕陽迎素月亦
謫居之勝概也彼齊雲落星高則高矣井幹麗譙華則華矣
止於貯妓女載歌舞非騷人之事吾所不取吾聞竹工云竹
之爲瓦僅十稔若重覆之得二十稔噫吾以至道乙未歲自
翰林出滁上丙申移廣陵丁酉又入西掖戊戌歲除日有齊

安之命己亥閏三月到郡四年之間奔走不暇未知明年又到何處豈懼竹樓之易朽乎幸後之人與我同志嗣而葺之庶斯樓之不朽也咸平二年八月十五日記

循小徑繚州宅之後至竹樓規模甚陋不知當王元之時

亦止此耶

人蜀記

竹樓在黃岡縣治西北

一統志

咸平二年八月王禹偁撰

金石存佚考

御製元聖文宣王贊并加封號詔

存正書和興國州學

元聖文宣王贊

并序

御製

若夫檢玉□□介匠迴輿闕里緬懷於

先聖躬謁於

嚴祠以爲易俗化民既仰師於彝訓宗儒
尊道宜益峻於徽章增薦崇名聿陳明祀
思形容於盛德爰刻鏤於斯文

立言不朽

垂教無疆

昭然令德

偉哉素王

人倫之表

帝道之綱

厥功實茂

其用允臧

升中既畢

盛典載揚

洪名有赫

懿範彌彰

加號詔王者順考古道懋建大猷崇四術以化民昭宣教本
總百王而致理丕變人文方啟迪於素風思肇揚於鴻烈先

聖文宣王道膺上聖體自生知以天縱之多能實人倫口先
覺元功侔於簡易景鑠配乎貞明惟列辟以尊崇爲億口之
師表肆朕寡昧欽承命圖曷嘗不遵守彝訓保乂中區口以
祇若元符告成喬嶽觀風虞魯之地飭駕數仞之牆躬謁遺
祠緬懷遐躅仰明靈之如在肅冀獻以惟寅是用徵簡策之
文昭聰獻之德聿舉追崇之禮庶申嚴奉之心備物典章垂
之不朽誕告多士昭示朕懷宜追諡曰元聖文宣王祝文特
進署仍令所司擇日備禮冊命并修飾祠廟祭器其廟內制
度或未合典禮并令改正給近便五戶以奉塋域仍差官以
太牢致祭故茲詔示想宜知悉

大中祥符元年十月二十四日東封禮畢十一月一日車駕
幸曲阜縣謁奠先聖文宣王命刑部尙書溫仲舒等分奠七

十二弟子先儒禮畢幸孔林是日詔先聖加號元聖文宣王
御製贊又詔吏部尚書張齊賢等次日以太牢致祭詔充公
顏子進封兗國公十哲閔子已下進封公曾子已下進封侯
先儒左邱明已下進封伯五年八月二十二日奉勅諸道州
府軍監各於元聖文宣王廟刻御製贊并詔十一月十二日
奉勅改諡曰至聖文宣王

御製元聖文宣王贊并加封號詔正書兩截刻在興國州
金石存
佚考

顓塔記碑

存正書在黃
梅縣高塔寺

大宋蘄州黃梅

下闕

志全撰并書

梵云窣堵波

闕九字

今之顓塔者乃梵語之略也或藏舍利

或寔金身皆所以表功德

闕十字

也今之甌塔者卽天台山

沙門仁棄勉上春坊信士唐君守忠與

闕三字

守眞守珪守

習閻家眷屬所造也是地唐貞觀中爲眾造寺卽四祖大師

□□□地也咸亨初造百尺甌陀佛閣後爲巢寇所焚但

有故碑□址行焉大中祥符□□歲□□明稟師與唐氏昆

弟而議之曰吾聞三界可依者勝福也星斗不滅者道種也

□□□此古基重建高閣像設崇煥願如往碑君等或力之

所及不亦善乎咸曰我

闕十字

輕篋沐浴聖□□□□

負荷□□□師垂慈敢不聞命方備□□復思□像閣

宰雲終成朽腐甌塔□□□久長於是□被陶人兼之郢

匠唐君信奉欣然□□□□□□□焉高百七十尺縱

□百尺總十三層每層皆以珪餅盛瘞舍利次□□□□

□模像□□□□□□□□□□塔中復自刺臂血和香

以嚴□相表其□也闕十八字秉性至誠梵容克肖闕十字

儼闕十六字皆陶□□□唇散水闕三十三字初塔□□□

層感舍利□□□若星燦漸闕十五字久而方滅一邑□

□瞻闕十六字寶踊出然闕三十三字宜□□□□□

□□應闕二十五字之□□□□□志全應薦入雙下闕二字

字

馬案右高塔寺碑題大宋蘄州黃梅下缺又題志全撰并

書碑云是地爲唐貞觀中造寺卽四祖禪師精舍地咸亨

勅造百尺彌陀佛閣後爲黃巢所焚大中祥符間天台山

沙門仁稟上春坊信士唐守忠昆季重建殿亭并磚塔一

座十三層高一百七十尺每層皆瑤餅盛瘞舍利云云碑

高三尺二寸寬二尺文字殘闕者半年月亦漫漶莫辨今

在黃梅縣城內高塔寺

同治金石錄注

按輿地紀勝

黃梅縣志

黃梅東一里今五祖廨院

招撫蠻人盟誓碑

佚

招撫蠻人盟誓碑在邊上近西高州界首

九域志

令狐揆墓表

佚

令狐先生既卒門人史驥思遠謁太子中允句謚信道銘其壙又求屯曹外郎阮逸天隱爲文以表之天隱與令狐同年廂唐林逸書襄陽孟逸篆額世號爲三逸碑

史

金石志七